

奉天通志

二函之二冊
大事明九至十

奉天通志卷十九

大事十九 明

明九 神宗一

神宗萬曆元年春三月土蠻犯鐵嶺總兵官李成梁擊破之

明實錄四月丙寅兵部奏禦土蠻犯鐵嶺鎮西等堡功次言李成梁督各路兵馬奮勇出邊與賊力戰獲虜首五十七顆馬二百七匹被傷家丁一十七名射死官馬七十七匹成梁又差家丁出境哨探獲虜首一顆馬一百匹

萬曆武功錄二速把亥列傳癸酉三月速把亥炒花從山林中微使零騎訶漢兵復欲結黨察罕兒犯我鐵嶺瀋陽已帥八千餘騎伏頭林子於是副總戎楊騰遊擊張延賞馳曾遲堡參將

王永祐游擊曹蓋馳平定堡參將郭夢徵備禦蘇國賦楊謙柯
萬郭衛民宿振武馳鎮西堡大將軍李成梁馳彭家灣並傳發
虜畏漢兵盛復遠逃我兵勇氣益百倍追亡逐北至鵬背山忽
大風從東北起雨雪蔽面賊乃棄旗鼓復奔入山我兵斬首捕
虜凡五十七級奪馬二百七頭是時西虜黃台吉大會土蠻入
遼陽備兵使王之弼兵巡使賀濤乃告參將馬文龍郭成恩微
使降夷哈卜寨等誦虜而李成梁亦使李平胡從義州大清堡
出塞二百五十里斬首一級奪馬一百騎

秋八月築遼東寬佃六堡

明實錄八月丁巳戶部覆閱視侍郎汪道昆遼東善後六事一
開郭塞張其哈拉佃子土沃可耕且去黷陽等處適中聲援易

及宜移建孤山堡軍於其地又險山寧東江沿臺大佃子新安等五堡地多不毛軍無可耕出險山一百八十里亦得沃地寬佃子長佃子雙塔兒長嶺建散等五區且當松子嶺等處極衝之地宜將五堡軍移建各處修建六堡合用銀八千八百八十六兩粟米一萬八千九百石詔依議行

萬曆武功錄十一王兀堂列傳司馬汪道昆巡邊而大將軍李成梁奏記長嶺張其哈刺佃子東隣兀堂北旁王杲乃諸夷必爭之地今兀堂不欲爭王杲又不能爭莫若乘是時移孤山張其哈刺佃子險山移邊外寬奠子江沿臺移長佃子仍應接朝鮮貢道寧東移雙堆兒新安移長嶺大佃子堡移建散皆築城建堡以險山寧東江沿臺大佃子新安地多不毛軍無可耕故也

御史郭思極亦以書請上幸可之

皇明從信錄

四十

萬曆元年兵部侍郎汪道昆閱邊總戎李成

梁請展築寬佃等六堡其地北界王杲東隣兀堂去靉陽二百
里方修築十岔口寬奠堡巡撫張學顏按視兀堂等數十箇環
跪稱修堡塞道不得圍獵內地願質子旣在易鹽布工竣學顏
疏請聽市寬佃永佃謂東夷惟易米布猪鹽無馬匹他違禁物
與開原廣寧撫順異即以市稅量充撫賞予之使詔曰可自是
開原而南撫順清河靉陽寬奠並有市諸夷亦利互市無敢跳
梁當是時東夷自撫順開原而北屬海西王台制之自清河而
南抵鴨綠江屬建州者兀堂亦制之頗遵漢法

明史張學顏傳遼陽鎮東二百餘里舊有孤山堡巡按御史張

鐸增置險山五堡然與遼鎮聲援不接都御史王之誥奏設險
山參將轄六堡一十二城分守驍陽又以其地不毛欲移置寬
佃以時絀不果萬曆初李成梁議移孤山堡於張其哈刺佃移
險山五堡於寬佃長佃雙墩長嶺建散等皆據膏腴扼要害而
邊人苦遠役出怨言工甫興王杲復犯邊殺游擊裴承祖巡按
御史亟請罷役學顏不可曰如此則示弱也即日巡塞上撫定
王兀堂諸部聽於昨在貿易卒築寬佃斥地二百餘里於是撫
順以北清河以南皆遵約束

又李成梁傳萬曆初元時兵部侍郎汪道昆閱邊成梁獻議移
建孤山堡於張其哈刺佃險山堡於寬佃江沿新安四堡於長
佃長嶺諸處仍以孤山險山二參將戍之可拓地七八百里道

昆上於朝報可自是生聚日繁至六萬四千餘戶

九月增設廣寧右營游擊

明實錄九月辛丑添設遼東廣寧右營游擊一員以坐營中軍楊五典充之

冬十二月以楊愈茂為遼東行太僕寺少卿

明實錄十二月戊申陞湖廣鄖陽府知府楊愈茂為遼東行太僕寺少卿兼山東按察司僉事駐劄西平堡管理馬政兼整飭兵備屯田

振遼東災

明實錄十二月己未以遼東寧前廣寧錦義海州等處旱災未價騰貴發太倉銀三萬兩賑濟軍士

二年春二月以劉世昌為遼東苑馬寺卿

明實錄二月丙午山西副使劉世昌為遼東苑馬寺卿

修築遼東西臺牆

明實錄二月丁卯薊鎮督撫劉應節等題修築遼東西臺牆共七百九十一里調軍夫一萬匠役六百扣算湏四十餘年報完用官銀四十餘萬兵部覆該鎮勘估先造土牆乃甃之磚又築之臺又為之鋪邊長工鉅為力甚難莫若先舉臺工計地百丈建臺一座如昌平之制空心實下庶可經久兩臺之間止用磚與亂石為牆蓋有臺可據即牆未高厚亦可限隔先修寧前西接石門一帶次及錦義廣寧以東其工程衝緩錢糧軍夫等項再行該鎮估議會奏從之

夏五月修築寧前臺牆

明實錄五月丙戌兵部覆薊遼督撫劉應節等題估勘寧前應修臺工三百九十六座又先修土堡一十一座牆三萬九千六百七丈議用銀一十二萬餘兩必二十年方完較原議若少有完限尤屬甚遲各官復就中酌量緩急止修臺三百座故計費止用銀三萬兩計成則五年可完但修工軍三千人每年築臺六十座似為太勞每臺增估銀一百兩亦似不足欲成大計豈惜小費合於原估外每臺加顧夫銀一百二十兩如保鎮例准將廣寧庫貯夫丁銀一萬二千兩先行動支不敷銀一萬八千兩照戶七兵三事例其顧夫銀三萬六千兩本部動支馬價分作三年解發報可

秋七月建州王杲誘殺撫順備禦裴承祖

萬曆武功錄十一王杲傳甲戌秋七月夷人奈兒禿等四人未歸降於是來力紅追亡至漢塞問備禦使裴承祖承祖弗與乃縱三十餘騎入核桃山臺虜我夜不收尤清等五人承祖召來力紅到關趨還我蒼頭軍亦復不可得承祖大怒以為力紅故我撫夷也敢為不恭如此是時王杲方貢馬五百匹方物三十包休傳舍度杲必不能棄其輜重而近修怨於我乃以十九日將三百餘騎詣來力紅寨諸夷遂圍之賴杲與力紅救毋敢動於是來力紅喬郎及王杲入謁叩頭跪起皆如禮力紅佯言我為馬法往問也失字羅卜花然諸夷之眾圍者益夥矣杲亦好謂馬法曰幸毋畏此輩僉卒聞漢將軍至皆匍匐欲望見清光承

祖乃知杲與力紅詐所言皆給我也問若胡亂呼左右亟兵之多竹捕斬諸夷亦殺我兵二人射十餘人殺傷大相當是時總戎李成梁副總戎楊騰參將曹蓋亦將軍軍撫順竹策應杲乃帥其子若弟王太等出國臣等三人叩關請和於是千戶王勲及承祖蒼頭軍聞承祖被圍急乃逮夷人三十九口繫獄把總劉承奕即出塞四十餘里直擣來力紅來力紅執承奕并承祖及百戶劉仲文劒斬之剖胸剜心殊慘烈時七月二十一日也皇明從信錄三十癸未初杲自恃黠慧以屬夷殘戮邊吏至磔尸剖腹督不畏漢法

張懋中略舉建夷今昔情狀疏

籌邊
碩畫

二年七月建酋王杲誘殺

撫順備禦裴承祖

八月兵部覆奏薊遼督撫劉應節條陳遼東防禦四事詔如議行之

明實錄八月甲寅兵部復薊遼督撫劉應節等條陳防禦防四事一專練車營遼陽新集車營向委千總更換不一合將都司蘇國賦量加遊擊職銜令其專管一移駐備禦大清東昌二堡地當衝要兵馬數不滿百令移義州備禦於大清移海州備禦於東昌一申飭將領參遊等官如有營伍廢弛器仗不整收保不豫逗遛不進等事巡撫先以軍法責治一面具奏一速遣哨探差丁夜伴同市夷潛入北虜營中住操緩急傳報詔如議行冬十一月王杲犯遼東總兵官李成梁大破之

明實錄十月乙丑逆酋王杲入犯六次清河遊擊王惟屏督兵

奮剽斬獲首級五十三顆海西夷酋王台送進王杲原擄軍士
八十二名真夷一名

萬曆武功錄十一王杲列傳李將軍成梁以一軍軍瀋陽楊將軍
騰以一軍軍鄧良屯王將軍惟屏以一軍軍馬根單曹將軍簞
即提兵馳大衝挑虜戰斬首捕虜四級餘虜悉出邊旦日餘虜
復以三千餘騎從五味子衝入我兵四面並起虜望見漢兵盛
輒反走入杲寨先是杲糾合諸酋阻堅城以為險漢兵倉卒不
能至李將軍度是時諸虜方蟻聚一寨我兵破其巢可坐而就
縛也於是列南西營為陣類一字二字然後以初十日用火砲
火鎗火箭如雷直擣其寨寨中校聯頗堅固即以斧砍校聯數
層我兵攀援而上虜乃發矢石弗可當我兵亦不避矢石之難

於是裨將于志文秦得倚塗廣熊朝臣王朝卿等登東北面東北面
北面臨高雲衢王守道蔣國泰朴守真彭國珍攻南面南面臨
其間有高台一座虜以三百餘人趨臺上發鳴鏑射我兵把總
于志文中流矢死我兵益從大將環而攻之會大風起遂縱火
焚燒巢室五百餘間及芻茭諸虜大敗北我兵乘勝先登斬首
捕虜凡一千一百四級

皇明從信錄

四

三十二年十一月遼東大捷初東虜見俺答已得

放而獨土蠻速把亥請封不許故驕踞恥言修貢事隆慶五年
四月寇連山驛五月寇盤山六年二月寇長勝堡萬曆元年犯
鎮西堡邊外秋七月寇鐵嶺冬十二月寇鎮寧時江陵雷國令
大築亭鄣修烽火前後所以授當事者甚備虜入犯輒大創去

乃糾建州屬夷以冬十月寇清河逆酋王杲誘殺我裨將裴承祖等督府張學顏與總戎李成梁鼓行而前乘勝直搗紅力寨斬首一千一百有奇獲牛羊無算

明史張學顏傳明年冬發兵誅王杲大破之追奔至紅力寨

又李成梁傳明年十月杲復大舉入成梁檄副將楊騰游擊王惟屏分屯要害而令參將曹簠挑戰諸軍四面起敵大奔盡聚杲寨寨地高杲深溝堅壘以自固成梁用火器攻之破數柵矢石雨下把總于志文秦得倚先登諸將繼之杲走高臺射殺志文會大風起縱火焚之先後斬馘千一百餘級毀其營壘而還三年春正月遼東六堡成

明實錄正月甲寅兵部覆閱視薊遼保定邊務兵部右侍郎汪

道昆議將孤山堡軍移駐張其哈刺佃子險山參將部軍移駐
寬甸子江沿臺備禦部軍移駐長佃子寧東堡軍移駐雙堆兒
新安堡軍移駐長嶺大佃子軍移駐建散等各修築城堡久任
副使翟繡裳以董其事而寬甸控五堡之中尤為要地參將傳
廷勲量加副總兵職銜管參將事以重責成俱得旨如議
又正月庚申戶部覆奏薊遼總督侍郎楊兆條陳築寬奠子等
六堡未盡事宜二事一謂軍夫修作塞外遠赴良苦議重加口
糧鹽醬一言各堡山林叢密土地膏腴堡成之日先儘移住軍
士每軍給地五十畝聽其開墾耕種永不起科將官堡官養廉
菜地量行撥給不許多占有贖餘地方准軍丁及附近居人給
帖領種三年之外照屯田納糧事例起科以備軍士支用通造

總冊以備稽查從之

萬曆武功錄十一王兀堂傳臺御史張學顏至其下兀堂數十酋
跪起稱此是虜中住牧處今既修堡塞我來道我衆不得入內
圍獵又不敢進搶日食將馬用之是時方修十岔口寬奠堡兀
堂願以兒子為質請以此所開市易鹽米布疋必不敢以虜騎
至塞下臺御史恐撓大工未許諾其後堡成始請於寬奠永奠
互市蓋東夷惟米布猪鹽既與馬匹又非違禁它物與開原廣
寧撫順迥異儻以市稅之資為撫賞之費於東夷便邊人亦便
通鑑明記三十九正月遼東六堡成斥地二百餘里於是撫順以
北清河以南皆遵約束

二月巡撫遼東張學顏乞罷不許